

Njuolggadusat daid doarjagiid geavaheapmái maid Sámediggi juohká politihkalaš joavkkuid

Čuovvovaš njuolggadusat dasa movt geavahit Sámedikki juolludusaid Sámedikki politihkalaš joavkkuide ja opposišuvnna bargoeavttuide Sámedikkis, biddjojit doibmii.

§ 1. Doaibmaguovlu ja ulbmil

Dát njuolggadusat gusket buot doarjagiid geavaheapmái maid Sámediggi juolluda Sámedikki politihkalaš joavkkuide ja opposišuvnna bargoeavttuide Sámedikkis.

Doarjja galgá geavahuvvot duššefal dakkár bargguide mat gusket Sámediggái, ja daid politihkalaš ja hálddahaslaš veahkkedoaimmaide maid joavkkut dárbbasit, ja maiddái daid gálvvuid ja bálvalusaid oastimii maid joavkkut dárbbasit iežaset doaimmaid čađaheamis Sámedikkis. Joavkkuin lea ovddasvástádus gozihit ahte doarjagat geavahuvvojit njuolggadusaid mielde. Jus lea eahpádus, de galgá ášši biddjot Sámedikki dievasčoahkkinjođihangoddi.

§ 2. Rievttálaš sadji

Jus galgá oažžut doarjaga dáid njuolggadusaid mielde, de eaktuduvvo ahte Sámedikki joavkkut leat sierra juridihkalaš ovttagat mat galget ovddasvástidit iežaset bargiid ja ekonomija. Dat mielddisbuktá ahte addo diehtu joavkku bânkokontonummára birra ja duodaštus ahte joavku lea registrerejuvvon Brønnøysund ovttagatregistaris

§ 3. Doarjaga sturrodad

Sámediggi mearrida bušeahhtameannudeamis doarjaga sturrodaga, ja Dievasčoahkkinjođihangoddi juohká doarjaga mearriduvvon njuolggadusaid mielde.

§ 4. Gaskavuolta joavkkuid servviide

Juolluduvvon doarjja lea joavkku iežas ruhta ja joavkkuid váldo- dahje bellodatsearvvit eai sáhte gáibidit daid ruđaid, gč. § 2.

Joavkkut sáhttet dattetge oastit bálvalusaid iežaset váldo-/bellodatorganisašuvnnain.

§ 5. Doaibmamávssut ja luonduaddosat áirasiidda

Doarjjaruhta sáhtta máksojuvvot doaibmamáksun joavkkuid áirasiidda.

Dieđihangeatnegahttojuvvon addosat galget spesifiserejuvvot sierra diehtun rehketoalloraporttas, vai boahdá ovdan maid juohkehaš lea vuostáiváldán. Dillemearriduvvon addosat, nugo ovdamearkka dihte mearreáigeskearjkkat/doalut ja sullasaččat, gahččet olggobeallái ovttas daiguin maid Sámediggi gokčá eará njuolggadusaid bokte.

§ 6. Rehketoallu ja dárkkástus

Ruhtageavaheamis galgá ráhkaduvvot rehketoallu ja raporta. Jahkásaš raporta oktan rehketoaluin galgá sáddejuvvot Dievasčoahkkinjođihangoddi ovdal cuoŋománu 1. b. jagi maŋgel. Rehketoalloraporta galgá čuovvut kontántaprinsihpa ja čájehit goluid mat leat leamaš.

Rehketoallodárkkisteaddji maid Dievasčoahkkinjođihangoddi lea nammadan, galgá jahkásaččat dárkkistit rehketoaluid. Sámediggi máksá dárkkistangoluid. Juohke joavkorehketoaluu

dárkkistandiedáhus biddjo ovdan Dievasčoahkkinjođihangoddái ovdal dan áigemeari maid Dievasčoahkkinjođihangoddi lea mearridan.

Dárkkisteaddji galgá veahkkin čielggadit áššiid jus lea dárbu. Daid bargguid goluid sáhtta Sámediggi buhtadit. Dievasčoahkkinjođihangoddi sáhtta mearridit ráddjet buhtadusa vassis ruhtasubmái juohke joavkku nammii.

Rehketdoalloraporta ja dárkkistandiedáhus šaddá almmolažžan go ovddiduvvo Dievasčoahkkinjođihangoddái.

§ 7. Raporttat mat váilot dahje leat váilevaččat

Váilevaš rehketdoalloraporttat, dahje jus raporttat eai leat buktojuvvon Sámediggái, sáhtta mielddisbuktit ahte boahhte jagi doarjja ii mákso dahje dat unniduvvo, dahje ahte doarjja gáibiduvvo máksojuvvot Sámediggái ruovttoluotta. Seamma dáhpáhuvvá jus dárkkisteaddji gávdná duođalaš boasttuvuođaid ja váilevašvuođaid raporteremis.

§ 8. Fápmuiboahhtin

Njuolggadusat ja ortnet oktasaš dárkkisteddjiin biddjojit fápmui dan beaivvi rájes go leat Sámedikki dievasčoahkkimis mearriduvvon.

Dievasčoahkkinjođihangoddi sáhtta ollistit dáid njuolggadusaid.

Ášši meannudeapmi loahpahuvvui 10.03.09 dii. 14.35.